

Greenland Oil Spill Response A/S-imut**MALITTARISASSAT**

CVR-nr. 12 66 37 65

1. Ateq aamma angerlarsimaffik

1.1 Ingerlatseqatigiiffiup aqqa tassaavoq Greenland Oil Spill Response A/S.

1.2 Ingerlatseqatigiiffiup saniatigut aqqi tassaapput Kalaallit Nunaanni Uuliamik Mingutsitsinermi Upalungaaqqut A/S (Greenland Oil Spill Response A/S) aamma Grønlandsk Olieforureningsberedskab A/S (Greenland Oil Spill Response A/S).

1.3 Ingerlatseqatigiiffik Kommuneqarfik Sermersuumi angerlarsimaffeqarpoq.

2. Siunertaq

2.1 Ingerlatseqatigiiffiup siunertaraa uuliamik mingutsitsinissamut upalungaarsimanermut, uuliamik mingutsitsinermik akiuniarnermik, uuliakoornep kingorna avatangiisinik saliinermut aammalu Kalaallit Nunaanni aatsitassanut suliassaqrifiup iluani taakkununga assingusunik suliqaarnermut tunngatillugu niuerneramik tunngaveqartumik suliqaarnermik ingerlatsinissaq. Ingerlatseqatigiiffik aamma, tamanna ingerlatseqatigiiffiup malittarisassaanni allassimappat, Kalaallit Nunaanni suliassaqrifiit allat iluanni taamaattunik suliqaarnermik ingerlatsinnaavoq.

2.2 Ingerlatseqatigiiffiup aamma siunertaraa Kalaallit Nunaanni aatsitassanut suliassaqrifiup iluani uuliamik mingutsitsinissamut upalungaarsimanermik pilersitsinermut, ingerlatsinermut

annertusaanermullu peqataanissaq, ilanngullugu sungiusarnerni eqeersimaartumik peqataasarneq.

- 2.3 Suliassat sukkulluunniit inatsimmi imaluunniit inatsit naapertorlugu ingerlatseqatigiiffimmut peqqussutigineqarsimasut aamma ingerlatseqatigiiffiup isumagisassarai.

3. Ingerlatseqatigiiffiup aningaasaatai

- 3.1 Ingerlatseqatigiiffik aktiaatinit kr. 500.000-inik aningaasaateqarpoq.
- 3.2 Aktiaatinit aningaasaatit aktia ataaseq imaluunniit taassuma amerlisarnera kr. 10-imik naleqartillugu aningaasaatit immikkoortuinut agguarsimapput.
- 3.3 Aktiaatinit aningaasaatit tamakkiisumik akilerneqareerput.

4. Aktiaatillit pisinnaatitaaffii

- 4.1 Ingerlatseqatigiiffimmi aktiaatit tamarmik assigiimmik pisinnaatitaaffeqarput.
- 4.2 Aktiat tamarmik immikkut kr. 10-imik naleqartut ataatsimeersuarnermi ataatsimik (1) taasisinnaatitaaffeqartitsipput.
- 4.3 Aktiaatit ateq allallugu tunniunneqassapput aammalu ingerlatseqatigiiffiup piginnittunut allattuiffiani allanneqassallutik. Aktaatit pappiaraapput kaaviiatitaanngitsut. Aktiaatillit arlaannaalluunniit aktiaatiminik tamakkiisumik ilaannaasumilluunniit aningaasannortitsinissaminnik pisussaaffeqanngillat.
- 4.4 Piginnittunut allakkanik tunniussisoqartanngilaq.
- 4.5 Aktiaatinik ikaarsaartitsineq Greenland Oil Spill Response A/S pillugu Inatsisartut inatsisaat nr. 4, 4. juni 2012-imeersoq tamatuma kingorna allannguuteqarsimasinnaasoq naapertorlugu taamaallaat pisinnaavoq.

5. Ataatsimeersuarneq

Aalajangersakkat nalinginnaasut

- 5.1 Aktiaatilik kinaluunniit ataatsimeersuarnermi peqataasinnaatitaavoq, oqaaseqarsinnaatitaavoq taasisinnaatitaallunilu. Aktiaatillit piginnaatitsissut allaganngorlugu aamma ullulerlugu piginnaatinneqartumik aallartitaqarlutik peqataasinnaapput.
- 5.2 Ataatsimeersuarnissamut siulersuisut aktiaatilinnik ataasiakkaanik tamaginnik e-mail-ikkut imaluunniit allakkatigut aggersaassapput. Aggersaaneq siusinnerpaamik sapaatit akunnerinik 4-inik aammalu kingusinnerpaamik sapaatit akunnerinik marlunnik ataatsimeersuarnerup ingerlanneqarnissanut ulluliussaq sioqqullugu pissaaq.
- 5.3 Ataatsimeersuarnerup ingerlanneqarnissaa sapaatit akunnerinik marlunnik sioqqullugu ullormut oqaluuserisassat aktiaatilinnut ataasiakkaanut tamaginnut e-mail-ikkut imaluunniit allakkatigut nassiunneqassapput.
- 5.4 Ataatsimeersuarneq kommunimi ingerlatseqatigiiffiup angerlarsimaffigisaani, siulersuisut erseqqinnerusumik aalajangigaanni, ingerlanneqassaaq. Ataatsimeersuarneq sumiiffimmi allami ingerlanneqassasoq, takkulluni ataatsimiinnermit allaanerusumik ataatsimeersuarneq ingerlanneqassasoq imaluunniit allatut iliorluni aaljangiinerit pissasut, aktiaatillit tamarmik ataasiakkaatigut aaljangiisinnaapput. Ataatsimeersuarnermi aggerluni ataatsimiigiarnermut tapertatut aktiaatillit ataatsimeersuarnermi elektronikki atorlugu peqataanissamut, ilanngullugu ataatsimeersuarnermi aggerluni najuunnani elektronik atorlugu taasinissamut, periarfissinneqarsinnaasut, siulersuisut aaljangersinnaapput (ilaatigut elektronik atorlugu ataatsimeersuarneq), takuuk ingerlatseqatigiiffinnut inatsimmi § 77, imm. 1 aamma 3-6. takkulluni ataatsimiigiarnissamut periarfissaqarani taamaallaat elektronik atorlugu ataatsimeersuarneq ingerlanneqassasoq siulersuisut aaljangersinnaapput (tamakkiisumik elektronik atorlugu ataatsimeersuarneq), takuuk ingerlatseqatigiiffinnut inatsimmi § 77, imm. 3-6. Aaljangiinerit tamarmik ingerlatseqatigiiffiup isumaqatiginninniarnernut allattuiffiani allanneqassapput.
- 5.5 Ataatsimeersuarnermi amerlanerussuteqartut aaljangiisapput, tamatumani ingerlatseqatigiiffiup malittarisassaanni imaluunniit ingerlatseqatigiiffinnut inatsimmi amerlanerussuteqarluarnerunissaq piumasaaqatigineqarsimangippat. Malittarisassani allannguuteqartitsinerni aktianik aningaasaatit minnerpaamik

pingajorarterutai marluk aallartitaqarnissaat, aammalu taasinerit taamatullu aktiaatinit aningaasaatillit taasisinnaatitaasut ataatsimeersuarnermi aallartitaqartut pingajorarterutaasa marluk allannguutissanik tapersiinissaat, pisariaqarpoq. Taamaaqataanik aktiaatinit aningaasaatini allannguuteqartitsinermi, ingerlatseqatigiiffiup ingerlatseqatigiiffimmut allamut kattusseqateqarnissaanik aalajangiinermi aammalu ingerlatseqatigiiffiup atorunnaarsinneqarnissaa pillugu aalajangiinermi, tamanna atuutissaaq.

- 5.6 Ataatsimeersuarnermi ingerlanneqartut aammalu aalajangiinerit tamarmik aqutsisumit imaqarniliorneqassapput, tamatumalu kingorna ataatsimeersuarnermi isumaqatiginninniarnernut allattuiffimmi ilanngunneqassallutik.
- 5.7 Ataatsimeersuarnerup ingerlanneqariitsiarnerani imaqarniliap assilnera aktiaatilinnut e-mail-ikkut imaluunniit allakkatigut nassiunneqassaaq.

Nalinginnaasumik ataatsimeersuarneq immikkut

- 5.8 Nalinginnaasumik ataatsimeersuarneq naatsorsuutitut piffissap naareernerata kingorna qaammatit 5-it iluanni pissaaq.
- 5.9 Kingusinnerpaamik nalinginnaasumik ataatsimeersuarnermi ullormut oqaluuserisassanut ilanngullugu ukiumoortumik nalunaarusiap kukkunersioriikkap assilnera nassiussorneqassaaq. Aktiaatilik kinaluunniit qulequttat aalajangersimasut, ilanngullugit siunnersuutit, ingerlatseqatigiiffiup ataatsimeersuarnerani suliarineqartussanngortinnissaannut pisinnaatitaavoq.
- 5.10 Nalinginnaasumik ataatsimeersuarnermi ullormut oqaluuserisassat minnerpaamik immikkoortunik makkuninnga imaqassapput:
1. Aqutsisumik toqqaaneq.
 2. Ingerlatseqatigiiffiup ukiumi qaangiuttumi suliaqarnera pillugu siulersuisut nalunaarutaat
 3. Ingerlatseqatigiiffiup ukiumi aggersumi ingerlatassatut pilersaarutigisaannut aammalu taakkuninnga aningaasalersuinissamut pilersaarutigineqartumut siulersuisut nassuiaataat.
 4. ukiumoortumik nalunaarusiap kukkunersiorneqareersup akuerineqartussanngorlugu saqqummiunneqarnera.

5. ukiumoortumik nalunaarusiaq akuerineqartoq naapertorlugu sinneqartoorutit atorneqarnissaat imaluunniit amigartoorutaasut matussuserneqarnissaat pillugu aalajangiineq.
6. Akissarsiansanuk politikkip akuerineqarnissaa
7. Siulersuisuni ilaasortanik, ilanngullugu siulittaasumik, qinersineq.
8. Siulersuisut siulittaasuanut siulersuisunilu ilaasortat sinnerinut aningaasarsiasat aalajangersarneqarnissaat.
9. Siulersuisunit imaluunniit aktiaatilinnit siunnersuutit.
10. Kukkunersuiisumik toqqaaneq.
11. Tamalaat.
12. Nalunaaruteqarnissamut il.il. piginnaatitsissuteqarneq.

Immikkut ittumik ataatsimeersuarneq pillugu immikkut

- 5.11 Immikkut ittumik ataatsimeersuarneq aktiaatilinnit, siulersuisunit, pisortanik imaluunniit ingerlatseqatigiiffiup kukkunersuiisuanit tamanna pillugu piunasaqaateqarnikkut ingerlanneqassaaq.
- 5.12 Immikkut ittumik ataatsimeersuarnerup ingerlanneqarnissaanik piunasaqaat e-mail-ikkut imaluunniit allakkatigut pisortaaqatigiinnut allaganngorlugu tunniunneqassaaq aammalu qulequtaq imaluunniit qulequttat ataatsimeersuarnermi sammineqartussatut kissaatigineqartut allassimassallutik.
- 5.13 Tamanna pillugu allaganngorlugu pisortaaqatigiinnut tunniussereernerup kingorna kingusinnerpaamik sapaatit akunnerisa marluk qaangiunneranni siulersuisut immikkut ittumik ataatsimeersuarneqarnissamut aggersaassapput.

6. Siulersuisut

- 6.1 Ingerlatseqatigiiffik ilaasortanik 3-5-inik siulersuisoqassaaq. Ingerlatseqatigiiffiup siulersuisui, ilanngullugu siulittaasua, ukioq ataasikkaartumik qinerneqartassapput. Siulersuisut ataatsimoorlutik nalinginnaasumik inuussutissarsiornermut aqutsinermullu tunngasunik piginnaasaqassapput kiisalu aatsitassarsiornermik suliaqarnermi, uuliamik mingutsitsinermit upalungaarsimanermit, uuliamik mingutsitsinermit akiuniarnermit aamma uuliamik mingutsitsinerup kingorna avatangiisini saliinermit paasisimasaqassallutik. Inuk Inatsisartunut imaluunniit Naalakkersuisunut ilaasortaasoq, siulersuisuni ilaasortaqqusaanngilaq.

- 6.2 Siulersuisuni ilaasortaq ataatsimeersuarnermi qinerneqartoq, ilaasortaajunaarpat imaluunniit toquppat, siulersuisut piffissap qinersiviusup sinneranut siulersuisunik ilassutaasumik qinersinissaq siunertaralugu immikkut ittumik ataatsimeersuarnissamut aggersaassapput. Uniffik siulleq taamaaqataanik atuutissaaq, siulersuisuni ilaasortaq ataatsimeersuarnermi qinerneqartoq,
- 1) Inatsisartunut imaluunniit Naalackersuisunut ilaasortanngorpat,
 - 2) akiliisinnaajunnaarluni inissippat,
 - 3) iliutsimi pineqartup siulersuisuni ilaasortaaginnaanissaanik naleqqukkunnaarsitsisumi pisuussuteqarsimappat,
 - 4) sivirusunerusumik napparsimaneq imaluunniit allatut sanngiillisimaneq pissutigalugu siulersuisuni ilaasortatut suliaqarsinnaajunnaarsimappat,
 - 5) ersarissumik piukkunnangitsoq paasinarsisimappat.
- Siulersuisuni ilaasortaq pissutsini nr. 1-5-imi taaneqartuni pineqartunut ilaaguni, tamanna pillugu siulersuisut piaartumik nalunaarfigissavai aammalu piaartumik siulersuisuni ilaasortaajunnaassalluni.
- 6.3 Tamanna pisariaqartoq naliliisoqarpat, imaluunniit ingerlatseqatigiiffiup siulersuisuini ilaasortamit ataatsimit imaluunniit pisortaanit imaluunniit kukkunersiuksuanit piumasarineqarpat, siulittaasoq siulersuisuni ataatsimiinnissamut aggersaassaaq.
- 6.4 Siulersuisut nalinginnaasumik amerlanerussuteqarnikkut aalajangiissapput. Taasinerit nalogiinneranni siulittaasup taasineri aalajangiisuussaaq. Uniffik siullermi aalajangersagaq apeqqutaatinnagu, taarsigassarsinissaq ataatsimeersuarnermi akuerineqarsimangippat, ingerlatseqatigiiffik suliaqarnerminik ingerlatsinissamut, ilanngullugu sanaartornermut aningaasaliinernut aningaasalersuinissamut, taarsigassarsinnaanngilaq. Taarsigassarsineq aningaasalersuinissamut aningaasaliinissamullu pilersaarut ataatsimeersuarnermi akuerineqareersoq tunngavigalugu taamaallaat pisinnaavoq.
- 6.5 Isumaqatiginninniarnernut allattuiffimmi allattuisoqassaaq, siulersuisuni ilaasortamit ataatsimiinnermi peqataasimasunit atsiorneqassalluni, aammalu siulersuisunut ilaasortat sinnerinut atuarneqarluni paasineqarlunilu akuerineqassalluni.
- 6.6 Siulersuisut suleriaasissami suliaqarnerminnik ingerlatsinissaq pillugu aalajangersakkanik erseqqinnerusunik aalajangersaassapput.

7. Pisortat

7.1 Ingerlatseqatigiiffimmi siulersuisut pisortaanermik ataatsimik atorfinitsitsissapput. Pisortani ilaasortat ataasiakkaat tamarmik imm. 6.1-imi uniffiit sisamaanni taaneqartutut piginnaasaqarfeqassapput. Pisortaq akileraartarnermut inatsimmik annertuumik unioqutitsisimasutut imaluunniit aningaasaqarnikkut pinerluttuliorneq pillugu pinerluttulerinnermut inatsimmi aalajangersakkanik unioqutitsisimasutut, eqqartuunneqarsimassanngilaq. Inuk Inatsisartunut imaluunniit Naalakkersuisunut ilaasortaasoq, pisortaaqqusaanngilaq.

8. Atsiortarneq aamma aqutsineq

8.1 Ingerlatseqatigiiffik siulersuisuni siulittaasoq imaluunniit siulersuisut ataatsimoortut ataatsimooqatigalugit pisortamit atsiorfiusaaq.

8.2 Siulersuisut aamma pisortat ingerlatseqatigiiffinnut inatsimmi maleruagassanut naapertuuttumik ingerlatseqatigiiffiup suliaqarneranik aqutsinermik aaqqissuussinermillu ingerlatsissapput.

8.3 Siulersuisut pisortat suliaqarnerannut nakkutilliisuussapput aammalu naatsorsuutini allattuinerup aamma ingerlatseqatigiiffiup pisuussutaannik aqutsinerup ingerlatseqatigiiffimmut tunngatillugu toqqissisimanartumik ingerlanneqarnerata misissortarnissaa nakkutigissallugu.

8.4 Ingerlatseqatigiiffimmi ulluinnarni aqutsineq siulersuisut ilitersuussutaannut malittarisassiaannullu naapertuuttumik pisortanit isumagineqassaaq. Aalajangiinerit ingerlatseqatigiiffimmut tunngatillugu immikkut ittuusut imaluunniit annertoorujussuarmik pingaaruteqartut, ulluinnarni aqutsinermi pineqartunut ilaatinneqanngillat.

8.5 Ulluinnarni aqutsinermik isumaginninnermut atatillugu, ingerlatseqatigiiffiup naatsorsuutitut allattuinera aamma pisuussutinik aqutsinera toqqissisimanartumik ingerlanneqarnerasoq, pisortat isumagisassaraa.

9. Ukioq naatsorsuusiorfiusoq

9.1 Ukioq naatsorsuusiorfiusoq ulloq 1. januaarimiit ulloq 31. decembarimut ingerlasarpoq.

- 9.2 Ukioq naatsorsuusiorfiusoq siulleq pilersitsinermut ulloq 31. december 2012 tikillugu ingerlassaaq.
- 9.3 Kukkuersiuisoq aktiaatilinnit piunaffigineqarluni ukiut tamaasa ingerlatseqatigiiffiup nalinginnaasumik ataatsimiinnerata ingerlanneqarnissaa sioqqullugu, aktiaatillit kukkuersiuissullu akornanni kukkuersiuilluni ataatsimiinnermi peqataassaaq. Ataatsimiinneq aktiaatillit tamatuma kingorna ataatsimeersuarnermi paasisutissartaqarluartumik tunngaveqarluni aalajangiisinaanissaat siunertaralugu, kukkuersiuisup nipangiussisimasussaataanera ataqpeqqissaarlugu, ingerlatseqatigiiffiup ukiumoortumik nalunaarusiaanut tunngassuteqartariaqarpoq.
- 9.4 Ingerlatseqatigiiffiup ukiumoortumik nalunaarusiaa, naalagaaffimmi akuerisaasumit kukkuersiuisartumit ataatsimeersuarnermi toqqarneqartumit, kukkuersiorneqassaaq. Kukkuersiuisartoq toqqaqqinneqarsinnaavoq.
- 9.5 Ukiumoortumik naatsorsuutit, ukiumoortumik naatsorsuutitut inatsimmi maleruagassanut naapertuuttumik, naatsorsorneqassapput, ikkussorneqassapput suliarineqassallutillu aammalu ingerlatseqatigiiffimmut tunngasut aamma aningaasaqarnikkut inissisimaneq eqqortumik takutinneqassalluni.
- 9.6 Naatsorsuutit nalinginnaasumik ataatsimeersuarnissaq kingusinnerpaamik ullunik 14-inik sioqqullugu ingerlatseqatigiiffimmi aktiaatilinnut nassiunneqarsinnaasunnorlugit piffissaqarluartumik suliarineqassapput kukkuersiorneqassallutillu.
- 9.7 Ukiumoortumik ilanngaaseereerluni sinneqartoorutit, ukiumoortumik naatsorsuutit ataatsimeersuarnermi akuerineqartut malillugit saqqummertut, aammalu ukiuni siuliini amigartoorutaasimasinnaasut matussuserneqareernerisa kingorna, ataatsimeersuarnermi erseqqinnerusumik aalajangerneqartut malillugit illuartitatut aamma iluanaarutitut atorneqassapput.

Taamaalillutik ataatsimeersuarnermi nalinginnaasumi ulloq 26. april 2019 akuerineqarput

Aqutsisutut:
